

## N A T U R Æ.

VIRTUTISQUE CERTAMEN

AD EXCELLENTISSIMUM  
TORELLÆ PRINCIPEM  
O R A T I O.

Icturum apud Te ,  
PRINCEPS EXCELLEN-  
TISSIME , verecunda  
me veneratio elinguē  
faceret , nisi suavissi-  
ma humanitas tua, &  
recentia gaudia no-  
stra incitarent ad loquendum : neque  
enim inerudito cuiquam deesse pati-  
tur orationem erudita exultantium af-  
fluentia subditorum . Equidem non  
centum mihi linguas ( quod in gravif-  
simis argumentis canorum fuit votum  
poetarum , ) sed unam ejusmodi opta-  
verim, quæ Celsissimi PRINCIPIS INFAN-

A

TIS



TIS CAROLI BORBONII Tecum ad nos properantis , præclarissimum , & jamdiu expectatum beneficium , grata laudationis brevitate complectatur , & recolat . Apposite autem recoli a me posse existimo , si , ut felicem hunc Italiæ respirantis horoscopon obsequen-  
tissimus tandem aliquando suspicio; ita Te mihi in primis contemplandum proponam . Amplum Tu mihi Theatrum unus explicas, quo Tibi non alienas laudes appingam, sed tuas deferam. Patere, humanissime Princeps , ut modestiam tuam vulnerem: & quando Te non tam Tibi , quam nobilissimæ Patriæ , atque inclytæ Familiæ tuæ ; im-  
mo universo terrarum Orbi dedit Natura, liceat mihi, suffuso genis tuis sanguine, Naturæ, ac Virtutis decora fame noscenda vulgare , ut hoc ingenito colore vitis , hostibusque vel pudorem inferam, vel convicium . Haud sane in Te laudes congero, ut laudem, sed ut a-  
do-

dolescentiæ ; juventutis, & nobilitatis exemplar statuam , publici prævaricator boni, si taceam: quæ cum Tibi Deo auctore contigerint , injurius profecto sit Numini , qui ea silentio premat ; haud illi absimilis, qui dicatum Numini , Superisque simulacrum infodiat . Habeat igitur Fama, quæ narret ex vero veri Principis decora; quando vel arcana, vel ficta, & commentitia cæterorum probra pronis hominum auribus infusurrat .

Contendunt plane Virtus, & Natura, ut fortunam tuam vel æquarent , vel vincerent, ac Te hujus fastigio altius efferrent: enimvero utriusque non conatum modo, sed votum , opus implevit, NATURÆ SCILICET, VIRTUTISQUE CERTAMEN. Fortunę indulgentiā occupavit Natura: hæc Te prior Principē efformavit ; adeo ut peccasse illam censeremus, nisi Principis in Te insignia contulisset. Eum scilicet corporis habitum, eam

A 2

Te

Te præferre mentis indolem voluit, ut omnium animos facili negotio in dulce servitium afferas, nativoque dominatus jure, omnibus, qui Te, Tuosque norunt, perbelle imperes, unoque fasce supremis infimisque ita præsis, ut præcise merearis, neque fastigium occupaveris, sed acceperis. Nam quis adeo truncus, ac stipes sit, quem vel primo aspectu ad Tui obsequium non cogat elegans iste oris cum majestate lepos, cum lepore majestas, ac numeris omnibus absoluta totius corporis forma? Quid excelsa animi indoles, ac blande vivax ingenium? Hominum animos, aureos alios, ad Imperium, alios argenteos, ad obsequium; ferreos alios, ad servitium a natura factos non inscite finxit Plato. Tibi plane ex aurea, eaque splendidiore vena animum contigisse, mentis index vultus prodit; hic enim velut e throno eminet suo; quo se Tibi vel ad obsequium, vel ad servitium facile

cile subdant, qui Te sibi naturæ vel munere, vel suffragio præesse intelligunt.

Quæ omnia, etsi plane abessent, satis Tibi ad formam, satis ad animorum auctoramentū, Virtutis decor: nam quantus in genis pudor! quanta exporrecta in fronte serenitas! quanta in supercilio lenitas! quanta in oculis modestia! quanta in toto vultu liberalitas! Quæ quidem corporis, animique decora, etsi ipsorum censu mira sint, vel ipsam sane admirationem vincunt, quod in Te nec fortunæ, nec adolescentiæ confinio læduntur. Et vero quam facile naturæ muneribus abutitur adolescentia? hæc enim suo veluti æstro juvenile ingenium, vel in illecebras, nugasque, vel in levissima studia, voluptatis lenocinio abripit: quin & egregiam quoque indolem transversam agit, & ingentæ virtutis igniculos vel fervidi sanguinis aspergine, vel afflato alieni oris contagio

gio extinguit. Quid quod & vitia non raro æstuans illa ætas despumat, quæ fecundiori naturæ fundo uberius profuunt; tum maxime; cum plures adfunt, qui ea ætatis patrocinio tuentur; & positum a natura sceleribus aggerem auferunt, Verecundiam. At Te Juvenem nemo, nisi qui e genarum flore ætatis tuæ ~~veræ~~ æstimet, facile sibi persuadeat. Quæ enim vel canitiem ipsam decorant, in consiliis prudentia, in animi motibus moderatio, in verbis maturitas, in incessu gravitas, exactus denique ad honestatis normam rebus in omnibus modus Te unice exornant; adeo ut quod ~~nonniſi raro~~ terrarum orbis suspicit, id palam omnibus præferas, senilem adolescentiam: non illam quidem, quæ naturæ potius vitio, quam virtutis robore, levem se se in frugem intempestive induit, ut celerius marcescat; sed quam severior institutio, Patris exemplum, excelsa Fratrum, & Patruo-

truorum, & plane Principatu facta in-  
doles educant, quæque futurum inter  
Principes Heroem initiet; ut ex ip-  
sa, quemadmodum e nitidiora aurora  
splendidiorem diem, nonnisi uberiora  
decorum incrementa, per ætatis gra-  
dus, liceat augurari.

Quod ut oppido magnum; illud ta-  
men altius, quod non supra ætatem  
modo, sed supra fortunam emines. Per-  
quam rarum illud in adolescente præ-  
fertim Principe, ut fortunam suam sub  
potestate habeat, ut ejus indulgentia  
ad licentiam non abutatur. De Alexan-  
dro cæteroqui Magno, proditum, for-  
tuna illum suâ minorem fuisse: omni-  
scilicet potens, sui impotens visus: quod  
si absit licentia, vix aberit a fortuna  
supercilium, quo fastigium suum, ut  
excelsius effert, ita ad obsequium alios  
demissius abiicit. At Tibi quam hæc i-  
gnota superbientis fortunæ crimina!  
Emines quidem, sed ut humanitate o-  
mni-

mnibus pateas, facili omnibus nutu  
conniveas, beneficentia omnibus pro-  
fis: dignitatem namque comitatem-  
que ita temperas, ut quod comitati tri-  
buis, haud decedat dignitati: blando  
omnes affatu, leni omnes supercilio ex-  
cipis; adeo ut nemo Te propius norit,  
quin Sirenis delicias prædicet: **Principem**  
**exuere videris**; sed tum maxime  
Principem induis: quod enim de Galli-  
co Hercule dictum, aureas ex ore cate-  
nas evolvis, quibus non aures modo,  
sed animos nectis; amoris nimirum vin-  
culo, quo ut nihil lenius, nihil etiam  
robustius alligat.

Illud vero præclarissimum, quod non  
homines modo, sed Superos Tibi in pri-  
mis religione, ac pietate devincis, co-  
que excellis maxime, quod Te Deo u-  
nice subiicis. Debes hoc Numini; quod  
luce Te afflat sua: Debes Parenti opti-  
mo, debes Patruis, ac Majoribus tuis  
omnigena virtutis, ac pietatis laude  
florere.



florentissimis, quos non degener asse-  
 cla non sequeris modo, sed æmularis.  
 Complexi sunt illi animo virtutes om-  
 nes, vel quæ hominem decent, vel  
 quæ Principem ornant, atque ad earum  
 normam, & sibi, & populis imperarunt.  
 At omnibus excellit Pietas: hæc illis  
 e vultu, hæc e moribus, atque assiduo  
 Superum cultu semper emicavit, ut spi-  
 rans in eis Divini Numinis simula-  
 crum agnoveris. Illos Tu assidue intue-  
 ris, ad eorum sanctos, castosque mores  
 te ipsum fingis, ut quemadmodum  
 cum fortuna, ita & inter se certare Na-  
 tura; ac Virtus videantur: Ultra in Te  
 Patrem, Avosque tuos magis exprimat;  
 citra omnem dubitationis aleam pro-  
 fitemur: conservare tamen manus;  
 nam quod altera adumbravit, perficit  
 altera: adeout qui laudes tuas paucis  
 complecti voluerit, hac una omnes ef-  
 ferat, elevetque: si Te omnibus nume-  
 ris absolutum Patris, Patruorum, Ata-

B

vo-

vorum exemplum dixerit.

Ad hæc animi, corporisque orna-  
 menta, literarum decus accedit, quod  
 Principes ipsos supra regium ipsum  
 stemma evehit sublimius, augustius  
 exornat. Et vero quis efferat satis,  
 quanto in illas amore inflammari, &  
 æstuas? plane Alphonsi Aragonii in  
 Te mentem animadvertimus, qui Re-  
 gno, quam literis carere maluisset; for-  
 tuna enim tua potius, quam iis exui  
 velles: sapientum scilicet lance huma-  
 næ mentis decora expendis, eaque tan-  
 to cæteris hominum bonis præstare in-  
 telligis, quanto rebus omnibus, Divi-  
 nitatis fastigio accedens, animus excel-  
 lit. Hinc ardens illos in magistros tuos  
 studium, quibus maximum obtigit mi-  
 nerval, scilicet amor tuus. Hinc illa  
 sapientum virorum laus, atque æsti-  
 matio, qui abs Te honestissime habiti,  
 stoico illo in aulis convicio abstinere  
 coguntur, quod in iis scurræ potius,  
 quam

quam sapientes in pretio sint. Equidem Salomonis Te indolem præferre dixerim; sapientiæ nimirum amore captus, hanc unice deperis, cætera omnia præ illa splendido contemptu despicias: hoc dispar, quod Salomoni quidem per somnium otianti contigit, Tu illam tibi vigiliis, laboribusque, dotali veluti censu despondes: quod enim in Principe insolens, & mirum, dies omnes, eosque solidos literis impendis, & modo chartis impallescere, modo viros eruditione præstantes alloqui, modo præceptores audire, Tibi laus est. Infelix ille, atque expeditus in disciplinarum omnium studio progressus; laeta eruditionis e sacra, prophanaque historia supellex; firmior, coque altior e cultioris, penitiorisque Philosophiæ, ac Matheos penetralibus doctrinæ; exacta non latini modo sermonis, sed exterarum etiam linguarum peritiæ; optimorum, primæque notæ auctorum

B 2 non

non cognitio duntaxat, sed crisis. Quibus omnibus ita emines, ut superbire possit Patria in tui admirationem defixa. Extulit se quidem illa, quum omnia in Domo, ac Familia tua ad maiestatem splendide composita suspexit; nihil adeo comune supercilium defigit ac Tui conspectus: ut enim in unionibus miraculo est, teste Plinio, in arctum contracta naturæ maiestas; ita veluti contracta sapientiæ maiestas, & maximum in florenti ætate virtutum decus, admirationem extorquet. Mirabamur impense vetustissimum nobilitatis florē, CARACZOLORUM prosapiam illustrissimam, illam scilicet nobilitatem, quæ supra mille, ac sexcentos annos in clarissimis, meritissimisque viris equestri loco natis sese floruisse gloriatur; quæ deinde per longam Heroum posteritatem, atque (ut paucos memorem ex infinitis) per Pontifices maximos, per Purpuratos Patres, per Principis Urbis Ro-

Romę Senatores, Pręfectos, Vexilliferos,  
 per innumeros exercitus Imperatores,  
 supremos castrorum Marescallos, au-  
 reę clavis, & aurei velleris Equites,  
 Consules, Oratores, Legatos, Modera-  
 tores Provinciarum, Proreges, Magnos  
 Regni Cancellarios, Magnos Rhodio-  
 rum, Templariorum, ac Teutonicorum  
 Equitum Magistris, Principes, Duces,  
 Marchiones, Comites, Antistites ipso  
 numero plures; per communione con-  
 nubiorum contractas affinitates cum  
 Regibus, ac Viris Principibus; quęque  
 per generosos traduces in Hispaniam,  
 Angliam, Galliam, Germaniam, Polo-  
 niamque longe lateque diffusa, & ad  
 potentissimos dominatus traducta; quę  
 demum ab uno laudum omnium capa-  
 cissimo, magni nominis, majoris indolis  
 JOSEPHO Patre tuo mirifice am-  
 plicata est: Te majorum luce clarum,  
 clariorem tua maturiore in ætate Or-  
 bis suspiciet, quem tantopere in adole-  
 scen-

scientia mirata est . Jam exteræ gentes  
 tui nominis fama sollicitæ , dum a Pa-  
 tria, Tuisque procul abfuisti, oculos vul-  
 tu expleverunt tuo, nec amplius famæ  
 de Te, sed sibi crediderunt : imo & fa-  
 mam arguent, quod licet magna, vero  
 tamen minora vulgarit . Fallimur, an  
 spes suas demum impleri, sibi gratula-  
 tur Italia? quum Te italas, pluresque  
 urbes officii causa obiisse audivimus,  
 mœrore confecti, quantam, quæso, feci-  
 mus, Te absente, jacturam? Sed qui tua  
 nuper absentia exanimabantur; præ cæ-  
 teris autem amantissima soror tua san-  
 ctimonialis ANTONIA in amplissi-  
 mo nobilium virginum Domnæ Re-  
 ginæ Ascretio, consanguinei, affines-  
 que omnes; nunc felicissimo reditu tuo  
 reviviscunt. Est plane, quod mihi, &  
 Tuis ex hisce faustissimis nunciis gra-  
 tulemur. Auctius igitur Te ipsum lau-  
 das, cum ostendis, auctius spem excitas,  
 dum prodis ; & quando Te propius  
 aspi-

aspicimus; ex animi tui magnitudine  
 angustiore aliquando venturo Cel-  
 sistimō PRINCIPE, amplitudinem au-  
 guramur. Jam publicam felicitatem,  
 posteritatis Familixque tuæ, religio-  
 nis, bonarumque artium incrementa,  
 tanto auspice vaticinamur. Jam sibi  
 quantus est Neapolitanæ Urbis, ac Re-  
 gnorum utriusq; Siciliæ ambitus plau-  
 dit; tuo enim, & Regii PRINCIPIS  
 adventu, non unius regionis angulo,  
 sed Italiæ, Hispaniæ, Galliæ, HUNC  
 orientem solem, Te splendidum pri-  
 mæ magnitudinis sydus exortum cre-  
 dimus, & auspicamur. Tametsi laudes  
 tuæ in domestici sanguinis venam æstu  
 quasi reciproco altius refluunt, suavis-  
 simos germanos tuos præterire non  
 possum: quanquam satis habeo, si spem  
 in ipsis, atque indolem, ac primas vir-  
 tutum gemmulas commendem, & præ-  
 textatis veluti laudibus ornem; adeo-  
 que in majorum, ac familiæ decora la-  
 tius

tius excurrere optaverim, ut furculum  
 flosculo comptum e tota gentilitiæ ar-  
 boris sylva æstimandum proferam: sed  
 immane quantum præconiorum seges  
 excresceret, & proluxior oratio exagger-  
 ratis ad panegyrim laudibus profusam  
 in præsentia lætitiæ cruentaret. Dies  
 me maturius, quam oratio, & oratio  
 me, quam facta PATRUORUM tuorum  
 deficerent: PATRUI inquam tui, proba-  
 ta in Reges fide, in hostes virtute, glo-  
 riosissimi, DOMINICUS, CIARLETTA, FER-  
 DINANDUS, JOANNES, quatuor bellorum  
 fulmina, fama indice se offerunt con-  
 templandi. DOMINICUS quidem stre-  
 nuus castrorum Dux, & Magister apud  
 CAROLUM II. Austriacum Hispa-  
 niarum Regem, tot inter ad immorta-  
 lem gloriam incitamenta, lethali cor-  
 reptus morbo, e vivis præmature sub-  
 blatus est. CIARLETTA post diutinas præ-  
 clarasque res gestas sub invictissimo  
 Hispaniarum Rege PHILIPPO, ex ar-  
 ce



ce Mongioviensi, cui præerat, Barcino-  
ne, muralis machinæ bellico fulmine  
non expugnabilis miles deturbatus, ci-  
tra gigantum commentitiam auda-  
ciam, supra eorundem felicitatem Cœ-  
lum expugnavit, atque illo præcipiti  
casu, qui caducæ gloriæ stipendium fe-  
cerat, ad æviternæ stationis capito-  
lium resiliit triumphator. FERDI-  
NANDUS in Germania primum du-  
ctor Equitum, mox in Hispania  
meritis onustior, quam hostium spo-  
liis, ambitionis castris relictis, inge-  
nuus transfuga, plusquam militare vir-  
tuti, sibi ex virtute maluit imperare.  
JOANNES denique apud eundem  
Hispaniarum Monarcham PHILIP-  
PUM, exacto pugnandi, vincendique,  
ut ita dixerim, tyrocinio, ad Imperato-  
riam exercitus dignitatem, victores in-  
ter, ac triumphales militiæ Duces, ho-  
norifice, ac celeriter excipitur, & in Si-  
cula expeditione, superioribus annis

C

acie

acie pressus confertissima; certusque  
aut vincere, aut mori, acceptis adverso  
corpore vulneribus, super hostium  
strage pulcherrime jacuit, occubuit-  
que: verus Martis alumnus, acer, impi-  
ger, de se, de familia, de re hispana bene-  
merentissimus, non ante merere desit,  
quam vivere; triumphali laurea dignis-  
simus, quod fato, fati victor, obsecutus,  
fidelitatis victima, obtruncatus ab ho-  
ste decesserit fascibus laureatis. Quibus  
porro laudibus sexcentos alios Heroes  
celebrem? quibus merito

..... monumentum ære perennius,  
Regalique situ Pyramidum altius;  
fixit fama, ~~fecit~~ æternitas.

Quæ cum ita sint, quid ipse interea;  
Princeps inclyte? quantus ad hæc Pa-  
truorum tuorum decora triumphus  
tuus? unam Tu gloriam de his jure  
tuo Tibi arrogandam existimas; quam-  
quam omnia Deo O. M. tam egregio-  
rum facinorum authori ultimo syncē-

re

re resignas . Agimus, habemusque immortales Numini gr̃atias, qui nos, subditos, clientesque tuos secundum avidissima vota nostra subjici Tibi : Te, Germanumque tuum DOMINICUM, tuas gerentem vices, pro præstantissimo utriusque merito moderari nobis voluit . Deus idem faxit imperio suo, faxint suis precibus Superi omnes, ut florentissima isthæc, qua hodieque fruimur, ad longissimum tempus, Te dominante, felicitas perseveret, ac numerosam sobolem, posterosque plurimos, dignissimos laudum tuarum hæredes, Divi, Divæque omnes exõrent, & nos venerabundi poscimus, supplices imploramus .

Nec vanus ipse mihi sim augur : quum enim me Tibi obsequentiſſimus sistam, ut patrociniũ tuum obtester ; haud vereor, ne mihi ad decus lux tua desit, quæ omnibus proſtat, vel humanitas ad gratiam, qua omnibus arrides .

C 2

Pa-

Patere igitur, ut hoc literario munusculo incomparabilis erga Te, studii, & observantiæ meæ, vel pignus, vel testimonium Tibi deferam: tenue illud quidem, at tenuis etiam auctor; illum tamen benigno sæpe aspectu, atque affatu dignatus es: memor equidem honorificæ bonitatis, ac singularis beneficentiæ Tuæ, Tuorumque Majorum, qua me, meosque Tibi omni obsequio addictissimos, tuoque a nutu pendentes, assiduis, innumerisque beneficiis mirificè cumulasti; quid ni eandem illi gratiam impertias? Hoc magni Principis fastigium est, ut nihil ipsi magnum inferre ad obsequium possimus: at hæc etiam humanitas, qua Deo accedit, magnum ducit levius: quidquid e paupere manu datur, exprimiturque. Exiguas olim ille aquæ guttulas cava manu obtulit magno Regi; at regiam plane retulit gratiam: abunde mihi erit, si non ex censu, sed  
ex

ex animo æstimaveris ! idque unum  
 benignissimus TORELLÆ mihi  
 PRINCEPS indulgeat, ut æquus  
 bonusque accipiat, & respiciat. Hoc  
 rogat

Datum Neapoli die X. Maii MDCCXXXIV.

*Humillimus, atque omni obsequio  
 additissimus Famulus, & Cuius  
 Richardus de Falco.*

PER IL GIORNO  
Del felicissimo ingresso nella Capitale del  
Regno di S. A. Serenissima, e Reale

PRINCIPE  
DON CARLO SEBASTIANO  
INFANTE DI SPAGNA.

SONETTO.

**S** Velta una Penna de la Fama ai vanni,  
Scrivo a l'Eternità note sì belle:  
Non mai rotar giorno più fausto gli anni,  
Gli anni, che l'ore d'oro ebbero ancelle.

Questo è quel Giorno, in cui de l'Oste a i danni  
Sorsero al Ciel le Galliche procelle:  
In cui vid' Io *fra* bellicosi affanni —  
Rider con ciglia d'or le Regie Stelle.

Di sì bel giorno ai rai non più si crede  
Cieca fortuna: anzi del merto al suono  
Con l'usate Bilance Astrea se'n riede.

Or d'ogni età le meraviglie in dono  
Tributi il tempo a sì bel dì, che diede  
Le Palme a un Regno, e l'Regio INFANTE al Trono;

Si